

Dirulaguntza-lerroa	KONTSUMORAKO LAGUNTZA EKONOMIKOAK – BASAURI BONUA
Aurrekontu-partida	33 4310 48099
Partidaren deskribapena	TRANSF. ARR. FAMILIEI - EKONOMIA- ETA MERKATARITZA-SUSTAPENA
Zenbatekoa	200.000,00 €
Laguntza emateko prozedura	ZUZENEAN EMATEA

1.- XEDEA

Oinarri hauen xedea da «BASAURI BONUA» arautzea, horren bidez udalerriko ekonomia berraktibatze eta bertako establezimenduetan kontsumitzea sustatzeko. Horrela, bada, Basauriko ekonomia-jardueretan egindako erosketetarako hobari bat emango da, eta horrek onura ekarriko die bai basauriarrei, bai udalerriko merkataritza- ostalaritza- edo zerbitzu-sektorean jendeari arreta ematen dieten establezimenduak dituztenei.

2.- APLIKAZIO-EREMUA

Oinarri hauetan araututako laguntzen helburua izango da Basauriko udal mugartean kokatutako jardueretan kontsumitzea bultzatzea.

3.- ONURADUNAK

Oinarri hauetan aurreikusitako laguntzak jaso ahalko dituzte jendeari arreta ematen diete merkataritza-, ostalaritza- eta zerbitzu-establezimenduek. Hain zuzen ere, Basauriko udal mugartean egon eta bertako ekonomia-jardueren erroldan alta emanda daudenak. Udalak baldintza hori betetzen dela egiaztatuko du. Horretarako, eskatzaileak baimena eman beharko dio Udalari, aurkeztuko duen eskabidean bertan.

Legezko zenbait arrazoi direla-eta Basauriko ekonomia-jardueren erroldan izena emanda ez dauden merkataritza-, ostalaritza- eta zerbitzu-establezimenduek ere laguntza hau eskatu ahalko dute, baldin eta Basauriko Udalak emandako jarduera-lizentzia badaukate.

4.- DIRUZ LAGUNDUKO DIREN ZENBATEKOAK

Bonu bi egongo dira, gastu-gaitasunaren arabera:

- 4 €-ko bonuak, 6 €-ko gastu-gaitasunarekin
- 10 €-ko bonuak, 15 €-ko gastu-gaitasunarekin

NAN, IFZ edo AIZ bakoitzeko, 60 €-ko bonuak erosi ahalko dira, gehienez ere. Bonu horiek ezingo dira dirutan kobratu, eta beren zenbatekoa ere ez da inola ere itzuliko. Hau da: gastuak 6 €-tik eta 15 €-tik gorakoa izen beharko du; eta gastu-gaitasun bera edo beste bat duten bonu-konbinaketaren ondoriozko zenbateko bera edo handiagoa izan beharko du.

5.- ESTABLEZIMENDUAK PROGRAMARA ATXIKITZEA

1.- Programarekin bat egin dezakete merkataritza-, ostalaritza- edo zerbitzu-sektorean jarduera bat izan, jarraian adierazitako baldintzak bete eta zabalik dagoen establezimendu bat duten pertsona fisiko edo juridikoek, bonuak ordainbide gisa onartuta. Jarduerak bete beharreko baldintzak:

-Establezimenduak 10 langile baino gutxiago izatea, eta Basauri udalerrian egotea.

- Laguntza emateko unean, Herri Administrazioekiko zerga-zorrik ez izatea; eta, era berean, egunean egotea Gizarte Segurantzarekiko obligazioetan. Merkataritza Atalak egiaztatuko du, ofizioz, ea Basauriko Udalarekiko zerga-zorrik dagoen ala ez.

-Bete beharreko bestelako formaltasunen kalterik gabe, Basauriko Udalak aukera izango du enpresa eskatzaileak ezarritako baldintzak betetzen dituela egiaztatzeko beharrezko irizitako dokumentazio gehigarria eskatzeko, edozein unetan. Ez dira aintzat hartuko ez onartuko aipatutako baldintzak betetzen ez dituzten entitateek aurkeztutako eskabideak.

6.- ESKABIDEAK AURKEZTEA

Programarekin bat egin nahi dutenek eskabide-inprimakia aurkeztu beharko dute, behar bezala beteta (Egoitza Elektronikoa eskuratu ahaliko dute). Horrekin batera, eskatutako gainerako agiriak aurkeztu beharko dituzte. Dokumentazioa aurkeztearekin batera, joko da eskatzaileak Oinarri hauen edukia onartzen duela.

Programarekin bat egiten duten establezimenduen zerrenda Basauriko Udalaren webgunean argitaratuko da.

Eskatzailearekin harremanetan jartzeko, berak eskabidean adierazitako helbide elektronikoa edo telefono-zenbakira joko da.

7.- ESKABIDEAK AURKEZTEKO EPEA

Udalak finkatuko du epea, jardueren titularrek «BASAURI BONUA» programara atxikitzeko.

8.- ATXIKITAKO ESTABLEZIMENDUEN BETEBEHARRAK

Programarekin bat egiten duten establezimenduek, atxikitzea sinatzean, honako betebeharrak berenganatuko dituzte:

- Basauriko Udalari datuetan eman daitekeen edozein aldaketaren berri ematea. Bereziki, eskatzailearen helbideari, jarduerari eta banku-datuei dagozkien datuetan emandako aldaketak.
- Publizitate-euskarriak jaso eta establezimenduan jartzea, ondo ikusten diren toki batean.
- Bezeroei faktura laburtua edo tiketa ematea, non ordaintzeko modua agertu beharko den (alegia, ordainketa bonu bidez egin dela islatu beharko dela).
- Fakturaren kopia bat gordetzea, jasotako bonuarekin batera.

- Erosleei diruzko itzulketarik ez egitea, erosketaren eta bonuaren balioaren artean aldea badago.
- Bonu bidez eskuratutako ondasunen itzulketa-politikari dagokionez, establezimendu bakoitzak finkatuko du itzulketa horiek egiteko epe eta modua. Bonu bat edo birekin eskuratutako produktua itzuli nahi izanez gero, diruz lagundutako zenbatekoa ezingo da dirutan bueltatu: establezimendu bereko beste produktu bat eskuratu ahalko du onuradunak, edo, bestela, dirutan itzuliko zaio hark benetan ordaindutako zenbatekoa. Bigarren kasu horretan, gainera, Udalari bonuaren baliogabetzearen berri eman beharko zaio, eta establezimenduak jasotako kopurua bueltatu beharko du.

9.- KANPAINAREN INDARRALDIA

«BASAURI BONUA», ordainbide gisa, Basauriko Udal mugartean baino ezingo da erabili.

Udal arduradunek zehaztuko dute kanpainaren egutegia behar besteko aurrerapenarekin.

Programarekin bat egin duten establezimenduetan bonuak trukatzeko programak ezingo du, inolaz ere, hilabete baino gehiagoko iraun. Epe hori igarota, bonuek ez dute balioko ordainbide gisa.

Bonuak eskuratzen dituztenek bakar-bakarrik erabili ahalko dituzte programarekin bat egin duten establezimenduetan, eta Udalak ezarritako aldia zehar.

10.- ATXIKITAKO ESTABLEZIMENDUEK AURKEZTU BEHARREKO JUSTIFIKAZIOA

Basauriko Udalak establezimendu edo jardueri erosketetan erabilitako bonuen zenbatekoa ordaindu ahal izateko, haiek bonuak eta erosketen fakturak aurkeztu beharko dituzte, justifikazio gisa. Faktura horietan agertu beharko da zein izan den ordaintzeko modua eta «BASAURI BONUA»rekin ordaindutako zenbatekoa.

Gehenez ere, 15 egun egongo dira justifikazioa egiteko, kanpaina amaitzen den datatik zenbatzen hasita. Horren harira, Udalak, justifikazio-aldian zehar, astean egun bat ezarriko du, aipatutako justifikazioak aurkezteko.

Erosketen fakturekin batera, honako dokumentazio hau aurkeztu beharko dute interesdunek:

a) Gizarte Segurantzaren eta Foru Ogasunaren egiaztagiria, haiekin zorretan ez egoteari buruzkoak.

Nahikoa izango da eskabidean dagoen erantzukizunpeko aitortpena betetzea. Dena dela, bonuak trukatzeko kanpaina amaituta, trukaturako bonuen zenbatekoa 3.000 € baino handiagoa bada, Gizarte Segurantzarekin eta Foru Ogasunarekin zorretan ez egoteari buruzko egiaztagiria aurkeztu beharko da (dirulaguntzei buruzko Udal Ordenantzan jaso bezalaxe), Udalak trukaturako bonuen zenbatekoa ordaindu ahal izateko.

b) Basauriko udal dirulaguntzak emateko Ordenantzaren 10. artikuluan ezarritako debekurik ez dagoela jasotzen duen erantzukizunpeko aitortpena, IV. eranskinaren arabera.

c) Eskabidean baimen espresua ematea, Udalak aukera izan dezan interesdunak aurkeztutako banku-datuak benetakoak direla. Baimen hori eman ezean, eskatzaileek banku-erakundeak sinatu eta zigilatutako egiaztagiria aurkeztu beharko dute, non adieraziko den haiek direla Basauriko Udalari aurkeztutako banku-kontuaren titularrak.

Ez bada eskatutako dokumentazio osoa aurkezten, Basauriko Udalak errekerimendua egingo dio enpresa edo merkataritza-establezimenduari, ez-betetzea zuzen dezan edo falta dena aurkez dezan. Horretarako, hamar egun baliouduneko epea emango zaio eskatzaileari, jakinarazpena jasotzen duen datatik zenbatzen hasita. Hala egiteko xedatzen du Herri Administrazioen Prozedura Erkidea arautzen duen urriaren 1eko 39/2015 Legearen 68. artikulua. Epe hori igarota dokumentaziorik aurkeztu ez bada, joko da eskatzaileak uko egin duela, eta eskabidea artxibatu egingo da.

11.- AURREKONTU-KONTSIGNAZIOA

Basauriko Udalak, 2022ko ekitaldian zehar, 200.000 euro bideratuko ditu deialdi honetako diru-zuzkiduretara, honako partida honen kontura: 33 4310 48099 Transf. Arr. Familiei - Ekonomia- eta merkataritza-sustapena.

12- LAGUNTZAK ORDAINTZEA

Laguntza horiek ez dira itzuli behar izango.

Diruz lagundutako zenbatekoak ordainduko zaizkio programari atxikitako pertsona fisiko edo juridikoari.

13.- APLIKATZEKO ARAUDIA

Prozedura arautuko dute onetsitako Oinarri Arautzaileek beraiek; Dirulaguntzei buruzko azaroaren 17ko 38/2003 Lege Orokorrak eta hura garatzen duen Erregelamenduak; eta udal dirulaguntzak emateko indarreko Ordenantzak.

14.- ONURADUNEI BURUZKO INFORMAZIOAREN KONFIDENTZIALTASUNA

Basauriko Udalak bere gain hartzen du laguntza hauen onuradunei buruzko informazioa programaren eremutik kanpoko xedeetarako erabilia izango ez dela bermatzeko konpromisoa.

Atalburua

BEHIN-BEHINEKO IDAZKARI NAGUSIA